



## PAENITENTIARIA APOSTOLICA

Prot. N. 961/16/1


### DECRETUM


PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino FRANCISCO Divina Providentia Papa tributarum, Excellentissimo ac Reverendissimo Patri Domino RICHARDO FONTANA, Archiepiscopo Episcopo Arretino-Cortonensi-Biturgensi, benigne concedit ut, die XX Novembris MMXVI, in sollemnitate Domini Nostri Iesu Christi Universorum Regis, in qua Arretii indicetur Dioecesana Synodus necnon, de specialissimo indulto, claudetur Misericordiae Porta, post pontificaliter litatum Divinum Sacrificium in Cathedrali Templo Sanctorum Petri et Donati, impertiat omnibus episcopis, canonicis, presbyteris, diaconis, religiosis viris ac mulieribus piisque christifidelibus laicis adstantibus, qui vere paenitentes et caritate compulsi iisdem interfuerint sacris, PAPALEM BENEDICTIONEM cum adnexa plenaria Indulgentia, suetis sub condicionibus (sacramentali confessione, eucharistica communione et oratione ad mentem Summi Pontificis) lucranda.

Christifideles qui PAPALEM BENEDICTIONEM devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, plenariam Indulgentiam, ad normam iuris, consequi valebunt.

Contrariis quibuscumque minime obstantibus.

Datum Romae, ex aedibus Paenitentiariae Apostolicae, die X mensis Novembris, anno Dominicae Incarnationis MMXVI.

  
MAURUS Card. PIACENZA  
Paenitentiarius Major



CHRISTOPHORUS NYKTER